



UNIVERSITÄTS-
BIBLIOTHEK
PADERBORN

Universitätsbibliothek Paderborn

Athanasii Kircheri Soc. Iesv Diatribe. De prodigiosis Crucibus

Kircher, Athanasius

Romae, 1661

Pars Tertia, Prognostica.

urn:nbn:de:hbz:466:1-11300

PARS TERTIA,
PROGNOSTICA.

CAPVT I.

De prodigijs in genere, eorumque
significatione.

POSTQVAM dignitas
humani generis per pro-
toplasti peccatum conta-
minata decidit, illa vtiq;
non solùm ab harmonia
pristina plurimum reces-
sit, sed & infesta sibi & contraria, quæ
pridem ad obsequium condita fuerant
Mundi & contenta & continentia, per
classes singulas inuenit; proximè quidem
in elementis omnibus, secundò in mix-
tis corporibus inanimatis, tertio in ani-
malibus, ac postremò quod omnium
grauissimum duco, intra propriæ stru-
cturæ fines, in suimet animi & corpo-
ris symmetria, quæ quidem numerosio.

F ra

Malorum
origo ex
peccato
protopla-
storum.

DEVS
ostentis
peccato-
res ad pe-
nitentiã
vocat .

ra sunt, quàm vt recenseri possint, no-
tiora quàm vt debeant. Cum igitur vi-
rus illud tabificum ab homine tanquam
capite in membra vniuersitatis cætera
dimanauit, meritò ab iisdem vicissim
odij & inimicitiaë semina, flagella, Cru-
ces, omnigenæ calamitatis machinæ iu-
xta Adraëtiæ legem ineuitabilem retor-
quentur, elementis cunctis in hominis
perniciem conspirantibus; quin vel ipsa
alimenta, tum apertis, tum occultis quã-
doque cuniculis adoriuntur, vt quæ vi-
tam dederant prius, temporis orbe iam
reuoluto, veluti indicto bello, quod con-
struxerant, rursus elidant, & extermi-
nent; quorum quidem consideratione
nihil meliores homines in omnium
scelerum barathrum, omni DEI abie-
cto timore se præcipitarunt: Et sane
totum humanum genus veluti veterno
quodam peccatorum sopitum utique
perisset, nisi id Diuina clementia sub-
indè per insolita signorum ostenta, ad
cor reuocaret. Quæ quidem pro infini-
ta DEI misericordia & bonitate, ita
temperantur, vt ex summis malis, qui-
bus errantem Mundi statum perterret,
sum-

summum bonum educat; dum enim signis hisce preuijs futuras Rerumpublicarum Ecclesiæque calamitates nunciat, peccatores ad poenitentię opera amplexanda, quibus eas euadant, sollicitat, iustis verò ad eas forti animo tolerandas in ampla meritorum premia conuertit. Vnde luculenter patet *DEVM* huiusmodi malorum signis, mortalibus non nisi sub hypothese comminari, vti Sacræ Historiæ innumera comprobant exempla; Nam vt rectè S. Gregorius: *Si inquit, bona promissa reuocat Omnipotens DEVS, quia ab ijs, quibus promiserat, malè permutantur, quanto magis minarum effectus retrahit, cum benè conuersos eos respicit, quibus pro admissis iniquitatibus pœnas animaduersionis intimauit.* Vtraque sanè reuocat, cum oportet; promissiones, nè de illis præsumptionis impetu intransuersum agamur; comminationes, ne propter illas omni abiecta fiducia in desperationis barathrum labamur; & has quidem reuocat ne puniat, illas quodammodo inuitus, ne benefacere desistat; cui cum nihil non pateat, nihil nec quicquam fieri certum est, sed om-

Prodigia
sunt ve-
luti hiero-
glyphica,
arcanè ra-
rios eue-
tus signi-
ficantia.

nia, vel tum in hominum bonum, tum ad nominis sui gloriam ac salutem Vniuersi, vel etiam hoc nomine, quæ apud nos nostro iudicio planè fortuita censeantur, sæpè & iniusta, aut à Diuinæ prouidentia legibus aliena, tandem ad exactam æqualitatem redigantur. Sunt itaque rara & insolita huiusmodi phasmata in omnibus Mundi ordinibus elucescentia veluti hieroglyphica quædam symbola ænigmaticis allegoricisque inuoluta significationibus, quæ Diuinæ sapientia in cœlo, terra, elementis, veluti libro quodam descripsit & mortalibus legenda proposuit, vt si quando à Diuinorum mandatorum semitis recesserint, intentatis, quas ostentat minis terreantur, & ad meliorem frugem conuertantur.

Vtitur autem DEVS Opt. Max. aliquando naturalium rerum causis ad huiusmodi effectus demonstrandos, nullo miraculo interueniente vt supra dictum est, nisi quod illæ ita Diuinæ prouidentia dispositioni à primordijs Mundi connexæ sint, vt ex se & sua natura infallibilem effectum consequantur, nisi eius,
qui

qui omnia moderatur in omnibus, imperio vel impediatur, vel vires suas liberè exercere permittantur. Per signa itaq; huiusmodi D E V S voluntatem suam explicat, vel in bonum, vel in malum pro dispositione mortalium bonum vel malum ijs intentatum acceptantiū. Addit rei nouitati terrorem & formidinem, qua perculsi protinus, nescio quid inauspicatum ex proposito ipsis ostento sibi Mundoque ominentur. Nascitur exempli gratia quidpiam ex eorum numero, qui præ cæteris aliquid diuinius præferunt, crinitum Sidus aut Cometes, cuius vel ad primum conspectum mortales veluti panico quodam timore perculsi, ex insito quodam impultricis Naturæ instinctu, è vestigio eius ex magnitudine, forma, figura, motu, colore futurorum euentuum significationes, vel ad ipsam vsque superstitionem hoc pacto euoluere incipiunt, vt qui gladium iaculum aut tubam refert, bellis significandis oportuniorem existiment; qui Solis similitudinem gerit, magni alicuius Principis ortum, si læto fulgore corruſcet: obitum, si tristi colore perfusus

Vaticinia
ex Comete
varia
figura &
analogia
ad res
naturales

palleſcat; tragicum funeſtumque finem,
 ſi ater aut ſanguine tinctus videatur.
 Atque hoc pacto, continua quadam
 analogia ad politicum Mundum tradu-
 cta, ex præacuta eius pyramide ignis do-
 minium, igneum nempe feruorem, &
 bili generandæ opportunum, qua homi-
 nes in furores rapti, bella ſitiunt, quæ
 mox indiuidui comites fames & peſti-
 lentia confequuntur. Qui verò vberi
 diffuſione ſub aquea ſubſtantia ſpectan-
 tur, hoſce ex analogia quadam elemen-
 ti aquei ad ſeditiones, rumores, popula-
 rium commotionum tumultus, malo-
 rum omnium cataclyſmos transferunt;
 ſi verò ſubfuſci & perturbatæ figuræ ſi-
 gna oſtendunt, tunc terræmotus, rerum
 penuriam, Ciuitatum ſubuerſiones, le-
 gumque augurantur mutationes. Si
 denique dilutioris coloris multiformi
 radiorum diffuſione effuſerit, ob aëris
 quandam analogiam ad peſtilentiæ ſtra-
 ges morboſque id generis inſolitos, fe-
 roces & epidemicos haud incongrue
 eum applicari poſſe exiſtimant. Quam-
 uis vt verum fatear, illa mille ſuperſti-
 tionibus inuoluta nihil certi promittant

par-

Monstrū
Mahume-
tis ortum
præsigni-
ficans.

Indus
alluon
im m
o fte m
benet
og non
.

DEVS
peccata
mortaliū
rebus a-
nalogis
punit.

DEI iudicium semper funestum ali-
quem in Ecclesia DEI rerumque pu-
blicarum administratione, euentum ve-
luti hieroglyphicis quibusdam simbolis
prænotatum demonstrat. Sic anno Chri-
sti 696, puer biceps & quadrupes Bisan-
tij natus, suis symbolis execrandum ne-
farij Mahumetis ortum vno post anno
secutū graphicè sanè, & veluti ἐν τῷ τύπῳ
demonstrauit; id est duplici capite, ver-
sipellis animi calliditatem & fraudolen-
tiam, quadruplici crurum pedumque
discrimine, monstruosæ doctrinæ dog-
mata in quatuor Mundi partes euulga-
tionem. Innumera hoc loco adducere
possem monstrorum natorum paradig-
mata, quæ & Mundum stupore, & Hi-
storicorum, tum sacrorum, tum proph-
norum annales tragicis euentibus indè
consecutis repleuerunt. Sed qui curio-
sius ea euoluere desiderat, is consulat
Lycosthenem, Cornelium Gemmam,
aliosque innumeros, qui copioso hanc
materiam argumento prosecuti sunt.
Est & hoc maxima consideratione di-
gnum, DEVM subindè diuersa Mundi
præuaricantis delicta analogo quodam

&

& prorsus simili prodigiorum genere
exprimere, vti per incendia & siccitates
prodigiosas immodicum inualescentis
monstruosæ luxuriæ æstum, quo impu-
ni quadam peccandi licentia nulla Di-
uinarum legum habita ratione homines
exardescunt; gulæ intemperantiam per
locustarum muriurnque derepente re-
pullulascentium infinitam multitudinē,
qua omnibus ad vitam sustentandam
necessarijs rebus consumptis, Mundum
qui excessu peccauerat, rerum omnium
defectu & inopia culpam luat; & sic de
ceteris, quæ sagaci Lectori euoluenda
relinquo. Quin & hoc quo hæc scribo,
anno cuncta supramemorata prodigia
in varijs terræ partibus euenisse compe-
rio. Cometa vbique locorum visus &
obseruatus, multiformes monstrorum
fætus; Montium incendia, fluminum
exsiccationes, nouorumque alibi erup-
tiones, aquarum calidarum in frigidas
mutationes, terræmotus frequentes &c.
In Heluetia propè Solidurum, Montem
Iuram ferè medietate sua præterlapso
mense, vti & in Gasconia alterum, inau-
dito casu subsedisse accepimus. In cāpis
Roma-

Huius ex
pcedē-
tis anni
1661. in
Mundo
varia pro-
digia.

Romani territorij maritimis non ita pridem Draconem bipedem nec non alarum remigio caudaque formidabilem occisum à venatore, quem & halitu virulento intoxicatum Romæ tandem defunctum nouimus. Perusij quoq; mense Februarij, hoc eodem anno Basiliscum, alis, dentibus, cornuque longo repandoque ex fronte protuberante horrificum ex ouo Galli veteris incubitum natum Patres nostri Perusini oculati eius monstri testes ad me perscribunt. Quæ omnia quamuis insolitæ Naturæ operationes sint; Quid tamen D E V S Opt. Max. per illa Mundo significare velit; is forsân, qui hieroglyphica quibus huiusmodi ostenta exprimuntur, symbola, ritè expendit, enodarique coniecturare poterit. Quare hisce relictis iam propius ad propositum nobis argumentum explanandum accedamus.



C A P V T II.

De significatione istiusmodi Crucum ,
qua nullo non tempore varijs in
locis & Regionibus in ve-
stimentis hominum
apparuerunt.

EX præcedenti ratiocinio aliquis
deduceret , euentus rerum huma-
narum , naturalium causarum catenis
ita ex Diuinæ prouidentia lege conne-
xos esse , vt hoc vel illo ostento posito ,
quantum ex parte Naturæ est , produ-
catur effectus materia viribus ex qua
ostentum coaluit , proportionatus ; nisi
is ab eo , in cuius potestate posita sunt
omnia , modo quodam nobis incom-
prehenso impediatur ; qui quidem mo-
dus omnem Naturæ vim excedit , vti
euenit , quando causatum agentium
operationibus frena iniicit ; quemadmo-
dum in igne fornacis Babylonia aliisque
similibus factum esse Sacra memorat
Historia ; in alijs verò agentium vires

non

DEVS
precibus
iustorum
Naturæ
operatio-
nes subig-
de cohi-
bet ;

non adimit, sed alijs interuenientibus extrinsecis causis effectus aut diuertit tantum, aut omnino destruit. Exemplo rem exponam. Cometes vti ex Solis aliorumque Astrorum euaporationibus exortus est; ita eodem quoque, quo coaluit virulento virium influxu inferiorem Mundi Oeconomiam miris modis infestat; qui si per elementorum *δυσκρασιαν* copiosam bilis copiam in humano temperamento generet, illa in mores transfusa (Galeno siquidem teste, mores temperamentum siue naturale siue accidentibus extrinsecis affectum sequuntur) in hominibus eos prestat effectus, qui bilis proprii sunt; vnde bella, rixas, contentiones, seditiones cum magna sæpè mortalium strage consequi necesse est; si verò virulento virium effluvio aërem ijs sordibus, quæ *μιάσματα* Græci vocant, infecerit, mox aër aquæ, & hæc telluri communicatum sibi virus in alimenta propagant, alimenta ab hominibus introsumpta, paulatim altas fundant in sanguine radices, ex quibus tandem pullulat illa contagionis lues formidanda sanè, quam pesti-

pestilentiam dicimus, qua serpente magnam sæpè mortalium portionem consumptam fuisse historiarum memorant; si fides sit penes Authores. Fidem esto de terremotibus iudiciū, qui si ob intus latentem putridioris humoris colluuiem per voragines hiatusque in apertam auram expirauerint, aër deleterijs huiusmodi qualitatibus tinctus, si non semper in pestilentiam, saltem in alia morborum aut publicæ calamitatis monstra, peste fortassis non inferiora degenerabit. Eodem prorsus modo & ratione de Crucum Phœnomeno ratiocinandum tibi esse scias. Eiecerat iam dudum Vesuvius variam terrestrium glebarum diuersorumque succorum miscellam, quã acido mineralium spiritu fermentatam Sol feruore æstuans in vaporem attenuarat; vapor resolutus in appropriatam sibi materiam roris instar illapsus Crucum prodigiosarum phasma exhibuit; De quo tale iudicium formare quis possit. Si vapor istiusmodi ex innoxijs salium speciebus supramemoratis coaluerit, certè tantum abest, vt maliquicquam portendat, vt potius aërem

Quomodo & an Crucum genesis malum, vel bonū portēdat.

con-

conceptamque, si quæ latuerit, putredinem, pro ea, qua pollent acrimonia, incidant, extergant, purificent, & ad perfectum salubritatis statum conducant; Accidit tamen plerumq; ut istiusmodi vapor ex adusto sulphure & bitumine Arsenici Mercurijque lethiferis tincto spiritibus ortus, vnâ cum terrestribus glebis varia putredine vitiatis, insigni aërem intemperie inficiant, quæ cum tempore occultis machinis promotâ, in apertam tandem epidemicâ luem erumpat; quam tamen Diuina bonitas pijs fideiû votis sollicitata non tantum coercet, sed etiam vel per vnicum salubrioris venti flatum consumptis perniciosiss, qui in aëre stabulabantur halitibus, prorsus perimit destruitque, nisi forsitan obstinati humani cordis contumacia iustissimum DEVM vel inuitum ad frena Nature laxanda in proprium mortalium exitum instigarit. Vtriusque exempla nobis Historiæ in prima huius ratiocinij parte adductæ demonstrant; vti Theodosio contra Persas moturo Cruces in vestibus militum conspicuæ, infallibili inditio victoriam mox secutam

pro-

Exempla
boni euentus.

promiserunt; Iuliano quoq; & Constantino Copronymo Ecclesiam crudeli persecutione infestantibus Crucum in vestibus phasma, & mortem vtrique, & vnâ Ecclesiæ tranquillitatem, atque ingens incrementum portendit. Contrâ verò in Germania, si vti Trithemius narrat, dictæ Cruces quâdocunque conspiciebantur, epidemicâ pestis luem mox insecuturam significabant; mirum est quod de eodem Trithemio Theatrû vitæ humanæ narrat, eas enim Cruces quæ anno 1515. vestibus hominum impressę comparuerunt, primò post decennium suam energiam exerturas prædixisse fertur, nec euentus eum fefellit; anno enim 1525. Religionis nomine seditiosi Rustici ex seipso & totam Germaniam ingentibus implicuere malis, qui Sacræ tessere loco, Crucis figuram suis affixam vestimentis gerebant pestis. Quod verò tempore nonnunquã tum in horrida lue Constantinopolitana tẽpore Constantini Copronymi, tum in Germania multis in locis huiusmodi Cruces in vestibus, stragulisque lectorum comparuerint, id in pestiferi vaporis cõstitutio-

mem

nem aptè conferri potest, qui vi sua
σαυρομορφωτικῆ ea prorsus ratione, quam
 suprâ exposuimus, prodigiosum effectum
 eduxit. Solet quoque subindè ex fulmi-
 ne similis effectus Diuina dispositione
 produci, quemadmodum Anglicæ hi-
 storix narrant; siquidem primo Regni
 anno, quo Elisabetha, rediuiua Iezabe-
 lis imago, rerum in Anglia potiebatur,
 dum Proceres publicæ in Ecclesia so-
 lennitati interessent, de repente ingens
 exorta tempesta fulminibus & fumo lo-
 cum repleuit; quo euanescente, mirum
 dictu, cuncti præsentis vestes suas Cru-
 cis typo insignitus obstupuere, qui iam
 dudum sacrosanctæ Crucis signum, non
 ab Ecclesijs tantum, sed ab animis ho-
 minum eliminarant; secutæ sunt paulò
 post eæ in Orthodoxos persecutiones,
 & tormenta, quæ Theatrum crudelita-
 tis Anglicæ cum stupore & admiratione
 legentium in picturis exhibet; non ne-
 garim tamen in his similibusque, iuben-
 te DEO, operam Angelicam interue-
 nire, saltem vt plurimum ad causarum
 naturalium applicationem.

Atque adeò apertè pateat, D E V M
 Opt.

Exemplū
 mali eue-
 tus.

Opt. Max. suam prouidentiam ea de causa Naturæ ita arctè connexuisse, vt inuisibiles illius operationes per ea, quæ facta sunt, tanquam in Diuinæ mentis speculo elucescentia contemplaremur; quod si in vllis alijs rebus, tum vel maximè in sacrosanctæ Crucis signo luculenter patet, quod vt ab æterno in salutis atque Redemptionis humanæ triumphum destinavit ineffabilis DEI sapientia, ita quoque, ne tanti beneficii immemores id intimis cordis fibris semper fixum teneremus, omnibus rebus naturalibus insculptum esse voluit. Si historias præteritas voluamus, nulli in coelo prodigij *συνομιαν* frequentius fuisse, Crucis apparitione reperiemus. Hoc saxi, quin vel ipsis fossilibus frequenter à Natura insculptum cum admiratione cernimus. Consule vegetabilis Naturæ Oeconomiam; & in nonnullis quidem rudi Naturæ penicillo, in quibusdam verò, vt in certa cucurbitæ dissectæ specie, perfecta Naturæ industria expressum intuebimur. Non desunt, quæ partim in ipsis folijs floribusque, partim in fructuum meditullio id delineatum exhibeant.

Crucis
Phænomenon in
omnibus
reb⁹ natu-
ralibus a
Natura
formatur

G


Cum

Experi-
mentum.

Cum ad Albulam in Tyburtino agro relaxandi animi causa præterlapsis anno agerem pluresque lapideas Cruculas in ripam reiectas perfectè efformatas reperirem, arcanum Nature obstupui, & ut quid intus lateret, contuerer, petrosum corticem rupi, ac inueni tandem gramen quod cruciatum vocant aquis illapsum successu temporis petrifica vi fluminis saxoso seu potius nitroso cortice vestitū coaluisse; ut vel ipsum insensatum aquæ elementum in Crucis efformationem ad contestandam Seruatoris nostri benignitatem, operam suam conferat. Si sensitiuæ Naturæ familiam scrutemur, innumera Crucis signacula in exteriori corporis superficie notata reperiemus animalia, tam ex volucris, quàm quadrupedibus insectisque spectabimus; ut interim miraculosas Crucis apparitiones quæ in ipsa saxorum, lignorum, arborumq; apertione se diuinitus obtulerūt, fileam, quæ uti nullis non historijs obuia sunt, ita quoque ijs immorari nolumus. Legat cui libuerit, Iaponiæ, Indiarum, Chiles, historias de Crucum tum inuentione prorsus prodigiosa, tum de miraculis

lis

lis indè consecutis, & quæ diximus vera esse inueniet. Concludo vel ipso Crucis vocabulo, quam Diuina potentia mysterio Crucis vacare noluit, si enim quatuor literas, quibus C R V X formatur in quatuor Crucis cornibus scripseris, hanc ex acrostycha lectione sensum efficies.



Christus Redimere mundum Voluit Cruce.

Sed hæc de Crucis spectaculis dicta
sufficiant.

C O N C L U S I O .

V Idimus, Lector, Crucis prodigio-
 fas apparitiones, causam quantū
 ingenij nostri imbecillitas permisit, ex-
 plicuimus; significationes, tum harum
 aliorum tūm ostentorum innuimus, ex
 quibus admirabilem Diuinæ prouiden-
 tiæ cum rerum naturalium catenis ne-
 xum, & indè consequenter didicimus
 humanæ vicissitudinis circulum exactè
 in Psalmis 78. & 107. descriptum; vbi
 Iudaica gens bonorum satura, DEI cum
 obliuiscitur, contemptis prodigijs, in
 omnem calamitatem protinus ruit; af-
 flicta Diuinam opem rursus implorat,
 qua consecuta denuò cultum Diuini
 Numinis negligit, iterumque percussa
 & sanata supplex & peruicax à duris pœ-
 nitens, à prosperis insolescens, sæculorum
 omnium imaginem optimè representat,
 vt cognoscamus Mundi corporumque
 mundialium cyclicam circumuolutio-
 nem & ostentorum seriem ad amussim
 consequi rerum humanarū περικυκλωσι
 alternis felicitatis aduersitatisque forti-
 bus

Humanæ
 vicissitu-
 dinis cir-
 culus.

bus constitutam, quam sequenti metro
scitè sanè & prorsus gemmeo stylo Gem-
ma Medicus describit.

*Pauperies pacem, dat opes pax, copia luxum
Sed luxus bellum, bellaq; pauperiem.*

*Fons amor est odijs, vita mox turba quietis
Stant, quæ deciderint, quæq; steterè ruunt.*

*Et capti capiunt, & qui domuere domantur;
Fit victi supplex, qui modò victor erat.*

*Rege fero fera plebs punitur, plebe Tyranni
Sic fatum alterius versat in Orbe vices.*

A signis itaque cœli ne metuamus,
iuxta Ludouici Cæsaris filij Caroli Magni
cedro dignum pronūciatum; Hic Aquif-
grani cum Cometem sibi mortem vti
credebat, minantem vidisset, eumque
Astrologi ab hac persuasione diuertere
conati fuissent; ille solita vsus magnani-
mitate & prudentia: *Non alium, inquit
timere debemus præter illum, qui nostri &
huius sideris Creator est; sed eius clemen-
tiam nunquam satis laudare possumus, qui
nostram inertiam, cum simus peccatores &
impœnitentes, talibus indicijs dignatur ad-
monere: Quia ergo & me & omnes com-
muni-*

Exemplū
Ludouici
Cæsaris
filij Caro-
li Magni.

muniter hoc ostentum tangit, omnes pro posse & sapere ad meliora festinemus, ne forte misericordiam illo prorogante, & nostra impœnitudine impediante, illa inueniamur indigni. Quocirca protinus ipse elemosynas largas erogauit, missarum solennia per quoscunque potuit, celebrari fecit. non tantum sibi metuens, quantum Ecclesie sibi credite prospiciens; ac mox Carolum filium in Regem coronans ad mortem se comparauit, quæ paulò post contigit; Ita Sigebertus in Chronico. Quæ cum ita sint, sufficiat nobis fructus ex hoc ratiocinio longe vberrimus, vt nosmet nosse discamus ascensu mentis in DEVM, vt cum à DEO intentatas per ostentorum apparitionem minas & ab ea pendentibus multiplices humane vicissitudinis sortes perspexerimus, omni bono caduco malo confutum, & malo bonum assiduò cogitemus: Amemus hæc omnia tanquam osuri, oderimus tanquam amaturi, læti in tristibus, in lætis successibus anxij, nunquam tamen nec spe inani, nec nimio metu, nec vlla cupiditate transuersi ceu ruptis repagulis effermur; nec verò id aliter fiet, quam si &
nos

Parænesis
epiloge-
tica.

nos & nostra omnia Diuino arbitrio soli & omnium Oecono-
mo præstantissimo, DEO absque vlla spe vel perturbatione insigni, vel futurorum varia sollicitudine committamus. Da quæso hanc mentem ò præstantissime Pater, à quo omnis amor, & actio, & potestas, omnis præsentis, præteriti atque futuri cognitio: Da adorare semper atque optare duntaxat bonum bonitatis tuæ, vt persistentes in amore cognitionis tuæ, nunquam ab isthoc vitæ genere separeremur.

L A V S D E O.

Romæ, Typis Vitalis Mascardi, 1661.

Superiorum permissu.